



ЛЕНИНЭНЬ КИЯВА

ВЛКСМ-нь Мордовской обкомонтъ ды Саранск ошонь комитетэнтъ газетаст

1941 ие
А П Р Е Л Е Н Ъ
11-це чи
40 (1336) №

ЛИСИ: 11-це ие,
12 № ковс

Анокстамс пионерской лагертненень

Весе районтнэс моли пионерской лагертненень анокстамо. Нейке уш кочкавить вожатойть, явовить сатышка средстват, рамсэви эрявикс инвентарь, витневить помещениатне. Те корты минек эйкакштнень кис большевистской партианть ды советской правительстванть эрва чинь покшток покш заботадо. Школатнеде мейле, косо эйкакштне пурныть эрявикс знания, кизэнь каникулатнень шкасто максони тенст возможность пионерской лагертнэс кемекстамс эсь шумбрачинть, вадрясто оймсемс, штобу од тонавтнема иенть самс пурнамс ламо вий.

Те иестэнь лагертнэс режимесь карми улема ютазь иетнень коряс пек седе лия. Лагерной эрямось теэви ламоксть седе содержательнойкс, живойкс. Тесэ карми сатомо шкась оймсемскак, роботамскак, военно-физкультурной мероприятиятнень ютавомскак.

Ютазь иетнэсэ обычна ламо лагертнэс сменань перть шканть ютавлилиз лагерень кудонтъ вакссо волейбольной налксемас ды кой-косто ансяк тейниль экскурсият цецянь кочкамо или еще меньгак коряс. Нама, те иестэнькак мухшновить эйкакштнень ютксто истят, конат арсить понгомс лагерев ансяк секс, што тосо можна зяро мелеть удомс, ютавомс шканть чавос. Вана Витя П. тонавтни Саранск ошонь 12-це № школосонтъ. Зяро карминек кортамо лагерде, сон покш мельсэ лецни седе, кода ютазь иестэнь оймсесь Саранской городской лагертнэс. Тесэ лагертнень теешкиньмень-бути санатория ёнов молицякс ды мадемсэ вожатойтне сеетсэ шлякшность эйкакштнень пильгест. Чарькодеви, што лагертсэ истямо режимесь туй ансяк нузякс эйкакштнень мельсэ.

Штобу лагертнэсэ улема седе покш размах эйкакштнень физической ды лия видтнэнь коряс закалканть туртов, комсомолонь Центральной Комитетэсь аравать лия режим. Ней, примеркс, карми ютавомо походит, штобу седе вадрясто содамс лагерень перька аштица таркатнень, районотъ территориянзо. Неть походитнэнь шкасто карми невяомо, кие эйкакштнень эйстэ веседе смел, выносливой, бойка.

Карми ютавневеме военной налксемат, косо эйкакштне тонадыть сенень, кода эряви маскироваться, яксемс пеке киське лангс, кузнемс бойкасто чувато пряс, содамс тарканть компасонь, тештнень ды эрва кодат приметатнень коряс. Ды ламо еще интересной теуть учить пионертнэс лагерсэ эрямо шкастонть. А стяко эрва тонавтницясь бажи тов, пути весе виензэ, штобу тонавтнема иенть прядомс ансяк отличнасто.

Аволь аламо еще эряви теёмс комсомолонь райкомтнень ды горкомтнень, штобу вадрясто вастомс эйкакштнень лагертнэс. А эряви оймамс се лангс, што ули ютазь иень практика лагерной роботанть коряс. Эряви нейке жо седе вадрясто ванкшномс лагерень помещениатнень; провярамс, саты ли инвентаресь, ды веседе покш мель явомс сенень, штобу лагертнэс вожатоекс роботамо кучомс седе опытной педагогг, активной комсомолецт, конат бу алкукс тонавтовлизь сынет порученной покш ды ответственной задачанть.

Анокстатано кизэнь экспедициятненень

Юной туристэнь минек кружокось телень перть тейнесь зярыя походт Мордовиянь районтнэва. Походтнэс яксинек сокессо. Васенце походонок ульнесь Николаевка велес. Якинек экскурсияв колхозонь МТФ-тнень.

Телень каникулатнень шкастонть кружоконь зярыя члент якасть Московов юной туристнэнь слётов. Минь жо теке шкастонть тейнинек лыжной поход Рузаевкав ды Лямбирев.

Ней минек кружокось аноксты кизэнь шкань покш экспедицияс, кона карми улема Мордовиянь районтнэва. Те экспедициянтъ целезэ: тонавтнемс, кармамс содамо эсь краентъ. А тынь, эйкакшт, месь тейнитядо? Анокстатадо ли тундонь, кизэнь туристской экспедицияс?

В. Леонтьев,

Сарансконь 1-це № школань тонавтниця.



Саранской санитарно-бактериологической лабораториянь санитарно-пищевой отделениань лаборантка-комсомолка Катя Кучина свал вельска тонавтни производственной заданиянзо. Васенце квартиронь планонть Калинин а ялгась тонавтызе 125 процентс.

Фотосъ А. Кочинэнь.

Вадрылгавтомс соцкультурань кудонтъ роботанзо

Телень перть пекстазель Дубенкань ДСК-сь. Ремонт яла тейстэ. Ансяк мартонь 8-це чистэнтъ сонзэ панжизь. Теде мейле тосо невтезельтэ «По щучьему велению» ды «Выборгская сторона» кинофильматне. Налкесезельтэ кавто пьесат: «Юбилей» ды «Шестеро любимых».

Чарькодеви, што те аламо. Драматический кружокось, кона эсь составонзо коряс аволь берянь, мог бу тейнемс постановкат седе сеетсэ.

ДСК-нь заведующеесь Позднякова ялгась аволь сатышкасто меляты сень кис, штобу седе вадрылгавтомс социалистической культурань кудонтъ роботанзо.

Г. Гулягин.

Дубенской район.

Тунда видемантень колхозось анок

А стяко колхозниктне шныть Д. Н. Сульдин ялганть. Сонзэ лангс кемить, сонензэ оказали покш доверия—кочкись «Красный Восток» колхозонь председателекс (Косогор веле). Покш забота Сульдин ялгась проявляет колхозной хозяйстванть кис. Парсте аравтызе трудовой дисциплинанть, видестэ организавизе трудонтъ. Колхозось районсонть ловови икеле молицякс.

Эсь шкасто ды паро качества март колхозось прыдызе тунда видемантень анокстамонть. Весе видметне сортировазъ. Инвентаресь ремонтировазъ, сбрусь витнезъ. Паксяв ливнезъ навоз, ютавтозъ ловонь кирдема. Алашатнень упитанностест вадра.

Колхозсонть тунда видемантень анокстамосонтъ покш участия примаст комсомолецтнэ.

М. Ширманин.

Б.-Березниковской р-н.

Отличникъ

Мокшалай велень неполной средней школань 7-це классонь тонавтниця Четвергов ды Суродейкина тейстэ социалистической соревнованиянъ договор: тонавтнемс ансяк отлична.

Эзъ кадово сынет обязательства чаво залекс. Весе предметнэнь коряс сынет отметкат сехте вадрат. Сын—алкуксонь отличникъ. Эрва чистэ парсте анокстакшноссызъ весе урокост. Теде башка—кенеракшнит оймсеме, художественной литературань ловномо. Лездть лавшосто тонавтниця ялгаст туртов. Зяро-бути Солодовников ды Шольтин лововеть беряньстэ тонавтницякс. Састъ тест лездема отличниктне. Ды ней Солодовниковонь ды Шольтинэнь арасть берянь отметкат.

П. Щекин.

Чамзинской р-н.

Минек республиканть келес

АНОКСТАСТЬ 560 ЗНАЧКИСТ

Краснослободской районсо 1941-це иень васенце кварталсонть 518 ломань максызь норматнень ПВХО-нь значоконтъ лангс.

Теке жо шкастонть анокстась 42 ЮПВХО-нь значкист Ст. Горященской неполной средней школасонтъ пионервожатоемъ Н. Ососковань руководстванзо коряс.

ТРАКТОРИСТЭНЬ ОД ОТРЯД

61 ломань прядсь трактористэнь курет Краснослободской МТС-сэ, сынет ютксо 4 тейтерть. Курсантэ ютасть 840 часовой программа, конатнэстэ 474 час теоретической занятият ды 366 час производственной практика.

35 ломань курстнэнь прыдызь «вад-ря» ды «отлична» оценка март.

80

Вельска тонавтызь планонтъ

«Красная роза» конёвонь теица фабрикань коллективесь (Темниковской район) мартовской производственной планонзо тонавтызе 111 процентс.

Предмайской социалистической соревнованиянтъ келейстэ аравтозъ, роботчейтне сайстэ обязательства добувамс еще седеяк покшт производственной успехть, 1941 иень программанть тонавтомс вельска.



Юной техниктнень ды натуралистнэнь республиканской станциясонть дружноистэ моли тундонть анокстамось.

СНИМКАСОНТЬ: юной техниктнень ды натуралистнэнь республиканской станциясонть юной натуралистэсь Коля Ерофеев провери видмекст.

Фотосъ К. Свитинэнь.

Занимательной физикань вечер

Неть читнэстэ юной техниктнень ды натуралистэнь республиканской станциясо ульнесь ютавтозъ занимательной физикань вечер. Радио-электроработариянь инструкторось Б. Ашуров продемонстрировал зрительтнень икеле зярыя опытт «Свойство и преломление токов высокой частоты» темань коряс. Секе жо чокшнэстэнтъ ульнэст ванкшнозъ юной физиктнень Всесоюзной олимпиадань васенце ды омбоцетуронь задачатне. Чокшнэсэ ютась пек интереснойстэ. Участниктне решастъ задачат, невтесть опытт.

„ЭЙКАКШОНЬ СЧАСТЛИВОЙ ШКА“

Ардатовской неполной средней школань тонавтницятне кармасть анокстамо Маень 1-це чинь демонстрациянтень. Решизь оформить колонна истямо тема лангс: «Эйкакшонь счастливой шка».

Теезь первомайской комиссия, козонь кочказь тонавтницят ды учителя.

Зярыя тонавтницятнень максозь задание колоннанть анокстамонзо коряс. Сын покш мельсэ кундасть теде. Пурныть эрявикс костюм, украшениянъ кис материалт ды лият.

КОВЫЛКИНАНЬ СТАНЦИЯСЬ XVIII-це ПАРТКОНФЕРЕНЦИЯДОНТЬ МЕЙЛЕ

Инициативной группат

Мартонь 11-це чиста Ковылкинань железнодорожной станциясо ульнесь комсомольской собрания, косо толковалель ВКП(б)-нь XVIII-це конференциянь решениятне. Комсомолецтне эсест выступленияст таргаст ланге ламо асатыкст станциянь роботастонть. Примеркс, комсомолецтне Муничкин ялгась зевтнесь сень ланге, што рельсообрезной мастерскоень кияксось свал эри ланьказь мазутсо, рабочейтнень пильгест алга валязь рельса петь, кшнн пелькст. Разгарина комсомолкась кортась оборудованиень ванстамо:

— Минек депосто можна свал ванстамо ламо безобразият. Верев варштат—неят содов стенат, алов—рудазов паровозной стойлат. Паровой котелонть питательной клапанозо а маштови: ведь молды.

Сех покш мель кортамосост комсомолецтне явсть вокзалонь культурантень. Вокзалось телень перть ульнесь апак уштнесь.

Комсомолкась Исаева ялгась ёвтнесь случать, зардо сынст станциянь зев перронотъ ланге пракшность пассажирт. Телень перть кавксть ансяк ульнесь ваньксавтозъ перрносось.

— Истят асатыкстнень корост седе тов а кирдеви,—кортась ВЛКСМ-нь комитетань секретаресь Старотонов ялгась,—миненек нейке эрви теомс инициативной группат, конат бу мобилизовавлизь весе минек комсомолецтнень ды од ломатнень ВКП(б)-нь XVIII-це конференциянь решениятнень топавтомаст кис бороцямом, чугунокань кинть роботасонзо асатыкстнень маштомо.

Истят группатнеде организовалель кавто: производствань ваньксинть ды культуранть проверямонзо коряс ды местной вагононь простойтнень каршо бороцямонть коряс. Эрва группатнень кочказель 3 ломат.

Неть группатне якасть депос, электростанциясь, рельсообрезной мастерскоейс ды станциянь вокзалс. Тосто сын ланге таргаст зярря асатыкст, конатнеде мячясть предприятиянь хозяйственниктнень ды партийной организациянь секретарентень. Комсомолецтне производственной собраниясо ёвтасть ламо практической предложеният, канат лездать бойкасто витемс асатыкстнень.

Г. Бортыков,
электростанциянь машинист.

Ванстомс инструментнень

Теке жо инструментась максь седе ламо леза. Бути видест кармат эйсэнь пользоваться. Икеле мон норман эйсэ топавтылинь 110 процентс, ней жо—175 ды седе ламос. Истямом подъемось, васняк, толковави сеньсэ, што монь лиякстомс отношениям инструментнень. Роботамодо икеле мон васня ванкшнуса, ладс ли ашти верстаком, таркаст ли ашти лия инструментнень, пшти ли пилам. Бути мезе а ладс, то сеске жо витьса. Роботамсто весе эрвикс инструментнень аштить бокасон ящиксэ, эрвикс материалось петь жо. Самай сеск мон роботамсто шкасто зардоак лишной движения а тейнян.

Инструментнень виде использованиядо вопросотъ аравтнень комсомольской собраниясо. Ламо комсомолецт пеняцять администрациянь ланге: роботавты, келя, эйсэнек «кезэр» пингень инструментсэ ды сетнеяк а сатнитъ.

РОБОТАМО ТАРКАТНЕ ВАНЬКСТ

Кой-кона сыре рабочейтне кортасть, што депосонть кодак нельзя кирдемс ванькечи. Кода, келя, а тейт мазут петьякст, бути чинь-чоп озят мазут боцка марто. Комсомолецтнень невтизь тево, што ваньксинть можна кирдемс эрва роботамсто таркасо. Теевтьсэ мусорной ящикть, теевтьсэ тенсемань щёткат, добовасть брезентнень полот, конатнень ацакшноссыз мазут боцкатнень алов ды весе те шождалгавтызе ваньксинь кирдеманть. Оймсема чиста комсомолецтнень белизь депонтъ потмонзо, ваньксавтызь весе трубатнень ды витнись паровой котелонть питательной клапанозо.

Варштатано электростанциясь. Икеле электростанциянь ваньксэ ютамсто ломанесь кавксть-колмоксэ купордилъ куцяс валязь кшнн петьнень ды чаротнень ланге, кода жо совиль электростанциясь—сельмензэ икелем появиль теке содов баня. Стенатне артозель тусто качамос, кияксось свал ульнесь рудазов. Лиякстомс картинась ней. Машинной залось теевсь валдо, ванькс. Стенатне ашот, наряджась лозунгсо ды картинасо. Залонтъ куншкосо дизель.

Сонзэ ваньксавтнесь эрва смена-донть мейле, сеск сон весе циторды.

Комсомолецтнень инициативаст коряс электростанциясонть теезь душ. Робочейтне роботамсто зардоак рудазов а эрситъ.

Г. Муничкин,
гаражонь заведующей.

Мон невтия эсень примерсэ, кода инструментнень виде использованиясь лезды трудонь производительностень кепедемасо ды комсомолецтнень сынсь макссть конкретной предложеният инструментнень ванстамасть коряс. Примеркс, комсомолецтне Авдеев ялгась мерсь теомс ящикть, косо бу кирдевалель инструментнень. Комсомолецтне Веденяпин ялгась сайсь мель электростанциянь инструментнень туртов теомс пшт.

Собраниясь примась решения весе а маштовикс инструментнень теомс маштовиксэксэ. Решениась топавтови. Комсомолецтнень пурнызь весе чемециязь стаместкатнень, рошпильтнень, пилатнень ды валнись керосинсэ. Ней петь инструментнень эйсэ роботыть ды тево сь моли а беряньсэ.

Шибанов,

рельсообрезной мастерскоень слесарь.

ОБЩЕСТВЕННОЙ МНЕНИЯ БРАКОДЕЛТНЕНЬ КАРШО

Минь внимательнойсэ следятано минек комсомолецтнень ды весе рабочейтнень выпускаемой продукциясь мельга. Ды бути кияк роботасо теи брак, то теи ванкшнотано прок чрезвычайной происшествия. Вана аволь умок конторщица Козлова комсомолкась усковть спирт марто истерна аволь тозонь, козонь эривсь. Те фактонтъ ламо кортасть сменань собраниясо, кортазель комсомольской собраниясо. Административной взысканиядо башка Козлованень максозель комсомольской взыскания.

Эрва бракоделдэнтъ аволь ансяк кортазано собраниясьсэ, но и сьрмдэнтэ стенгазетасэ.

Истят ломатнень каршо общественной мнениянь теомас пек аламолгавтызе браконь случайтнень. Ней истят случайт эрсит чуросто. Но минек еще можна немес технической эксплуатациянь правилатнень колсемат. Примеркс, кой-кона рабочейтне паровозонь ардомсто сигналнень максить аволь сигнальной флажкесэ, но варьгасо или лиясо мейсэяк. Истят фактнеде пачтякшнотано ставиянь начальникентень, кона примакшны чумотнень марто мерат.

В. Веденяпин,

электростанциянь слесарь.

„МЕЛОЧНОСТЭ“—ПОКШ ПАРОЧИ

Инициативной группатне комсомольской собраниясо аравтеть вопрос—экономиянь кис бороцямодо.

Те вопросотъ комсомолецтнень вастызь паромельсэ ды выступленияст вивест критиковать сетнень, кить кодамоак мель эать яво «мелочтнень».

Рельсообрезной мастерскоень слесарсь Шибанов ялгась невть сень ланге, што бути пурнаме мастерскойсэ пильге алга валяция кшнн пелькстнень, рельса петьнень, стружкатнень ды пилавкстнень ды поддам сынст тево, сестэ минек материалось бу свал улевель сатышка. Сон макссь предложениа металлорежущей машинатнень вакс теомс ящикть, козонь кармить перевере стружкатне ды пилавкстнень.

Истят предложениа тейть зярря. Сын ульнесь ёвтазь производственной собраниясо. Рабочейтне седейшкава шнызь сынст ды ней ютавтыть эйсэст тево. А стьяко апрелень васень читнес уштомателень экономиясь электростанциясонть кассэ 1976 килограммас. Комсомолецтне Бортыков ялгась ванстасть 5,7 проц. смазочной материал ды 28 проц. обтирочной материал. Комсомолецтне Веденяпин ялгась электростанциянь дизелентъ маслосливающей кольцанзо алов пелетсь варя, кона вишкалгавтызе оень расходонть. Бути январь ды февраль ковтнень перть ульнесь 294 килограмма оень перерасход, то ней те арась.

Истямом ладсо «мелочтнестэ» тейть покш парочи.

Р. Старотонов,
комсомольской организациянь секретарь.

ОД ИЗНЯВКС

ВКП(б)-нь XVIII-це конференциянь решениятне тейсть од производственной подъем Ковылкина станциянь железнодорожничкнень ютксо. Партийной ды комсомольской организациятне вивгавтызь социалистической соревнованиянь Сталинской 3-це пятилетканть лемсэ.

Эрва чиста рабочейтне тейнить од изнявкс. Введен поезднень скоростной обработка. Технологической процесэнь коряс поезднень эрви обрабатывать 25 минутас, ней жо обрабатывают эйсэст 15 минутас.

К. Павлов.

Конференциянь решениятне—боевой программа

Заседательской суетиясь Ковылкинань железнодорожной станциянь комсомольской организациясонть молись партийн XVIII-це конференциянь решениятнень самс. Малав эрва чиста пурныль комсомольской собрания, кортыль минь зярро мелез, сьрмдыль кувака решеният. Сьрмдысь, стасысь папкас ды теи ланге лоткить. Вейкеяк решения арасель проверязь, ютавтови ли сон эрмос. Папкась кассэ, кассэ станциясо асатыкстнень.

Маленков яланть докладонзо ловномсто комсомольской комитетань члентнэ арсезевть неть валтнень лангсо, косо кортави седе, штобу формальной руководстванть эйстэ ютамс конкретной, оперативной руководствас.

Пурнасть комсомольской собрания ды толковизь партийн XVIII-це конференциянь решениятнень. Собраниясь ютась оживленностэ. Комсомолецтне кемест критиковать асатыкстнень, кортасть башка комсомолецтнень аволь честной роботадост ды станциянь руководителнень канцелярской руководстводост. Конференциянь решениятнень теи сь эсь

производственной роботань боевой программасэ. Кочкасть 2 инициативной группат ды поручили теиств проверямс станциянь весе производстванть ды омбоде собраниясонть пачтамс результатнеде. Истят тействк. Комсомолецтнень якасть рельсообрезной мастерскойсэ, депос, электростанциясь, вадрясто ванкшнызь вокзалонть. Мусть пек ламо асатыкст.

Омбоде комсомольской собраниясо примазель решения неть асатыкстнень маштомасть коряс. Решазель выходной чиста модемс рельсообрезной мастерскойсэ, электростанциясь ды лездемс рабочейтнень порядоконь теомасо. Выходной чиста дружнасто, теке вейке ломань, пуромсть ды ваньксавтызь мастерскоентъ потмонзо ды ушо ёнисонзо. Электростанциянь стенанзо потмо ёвдо красизь ашос, киякстонзо урядызь весе кшнн петьнень ды а эрвикс инструментнень. Теи ланге комсомолецтнень эать лотка. Омбоде выходной чистэнтъ тейть порядок вокзалс. Шлызь стенатнень, валматнень ды кияксонть. Комсомолецтнень инициативаст коряс вок-

залсонть организовазь ресторан.

Но теке мейле зярря чинь ютазь кой-кона предприятиясэ таго появакшность рудаз. Рельсообрезной мастерскоесэ таго ульнесь сорязь кшнн пилавксо ды стружксо. Кой-кона рабочейтне кортасть, што кшнн керамсто ды пиламсто кодак а кирдеват ванькечи. Шибанов комсомолецтне-стахановецэ невтизе тево, што те малавгак а виде. Сонзэ предложенианзо коряс теезель ящикть, конат роботамсто шкасто аштить рабочейтнень станокост ваксо. Неть ящиктнес поверить пилавкстнень ды стружкатне. Истямом ладсо мастерскоесэ кармась улеме седе ванькс.

Комсомолонь комитетань члентнэ кармась проверямос эсь решеният. Сеевтьсэ совсиль предприятияс ды неезь асатыкстнень коряс сеске жо пачтякшныть хозяйственниктнень ды первичной партийной организациянь секретарентень.

Аволь умок комсомольской собраниясо комсомолецтнень аравтеть вопрос инструментнень ды материальной ценностнень ванстамо. Сын кортасть, што инструментнень а сатнемадонть лиясто эрсит планонь а топавтнемань случайт. Максозель предложениа пурнамс ташто, а маштовикс стаместкатнень, пилатнень ды долотатнень; валномс

сынст керосинсэ ды човамс. Кода решизь, истят тейзь. Сеск самай мартонь производственной программанть комсомолецтнень топавтызь 104 процентс.

Станциясонть те шкас еще ульнесь истят случать, зардо поезднэ як сыль аволь расписаниянь коряс, ульнесь вагононь простойт. Инициативной группатнень руководстваст коряс организовалель контрольной пост, конат маштыть те асатыкстнень.

Комсомолецтнень инициативаст чуди лисьма пракс. Сын администрациянь икелем аравтеть вопрос рельсообрезной мастерскоень кияксонть цементировамо, Маень 1-пе чинтень электростанциянь ушо ёнисонзо беламодо ды лият.

Но те весе ансяк ушотис. Ковылкина станциянь комсомольской организациянь роботасо улит еще серьезной асатыкст. Сех покшось эйстэст се, што комсомолецтнень беряньсэ топавтнить эсест производствань экономиканть, а бороцить мастеранть ролензэ кепедманть кис, беряньсэ кепедить эсест квалификациясь ды лият. Кемдино, што сын неть асатыкстненьгак куроксто маштысь ды мобилизовасысь весе вивст ВКП(б)-нь XVIII-це конференциянь решениятнень успешносто топавтомаст кис.

[П. Любаев,

Комсомолетнэнь массовой гимнастической соревнованиятне

Эрва чистэ ламолгадыть участниктне

(Телефон вельде)



Кочуровской районэнь комсомолетнэнь гимнастической соревнованиятне ушодовома чинть вастызь прок покш праздник. Соревнованиятнесэ участниктне яла ламолгадыть. Бути апрелень 6-це чинть эйстэст лововсть 658 ломань, то ней—малав 700. Районсонть организоваз 68 гимнастической группа.

Сех вадрясто соревнованиятне ютыть Кочуровской средней школасонть (комсомольской организациянь секретаресь Комарова ялгась). Тосо соревнованиянь участниктнеде сех ламо—92 ломань.

Сынъ а беряньстэ тонадсть жердя лага якамо, турниксэ ды кольцясо роботамо ды конь велькска кирявтнеме. Сех вадря пример теень коряс невить Светкина, Кудашкина, Кузьмина ды лия гимнастэ.

Но кой-кона комсомольской организациятнесэ, алак вано сень лангс, што улить весе возможность, эзь ютавто еще вейкеяк гимнастической занятия. Райбольницань комсомольской организациянь секретаресь Софронова ялгась кадызе те теветь... кизэс.

Васень результат

Саранской районсонть массовой гимнастической соревнованиятнесэ васенце чистэ примастъ участия 482 ломань. Сынст эйстэ 442 участник максызь норматнень вольной упражнениятнень коряс. Канатка кузнемань, тросбориянь, сэрсе кирявтнемань норматнень максызь 184 комсомолец.

Сехте активностэ соревнованиянь васень чись ютась Николаевской сред-

ней школасо, косо примастъ участия малав 191 ломань.

Истя жо вадря результат добовасть Посопской ды Протасовской средней школань комсомолетнэ ды од ломатне. Тесэ А. Володинань, В. Карташевнань командатне получасть 10 балльной оценкат. Комиссиясь ловинзе отличнойкс сынст номертнэнь замечательной исполненияст.

И. Бочкарев.

Получастъ вадря оценкат

Посоп велень средней школань (Саранской район) комсомолетнэ ды тонавтницяне организовава вастызь гимнастической соревнованиятнень.

Соревнованиятнень васенце чистэнтэ стартс лиснестъ 77 гимнаст. Сехте вадрясто упражнениятнень теизь Сизова ды Володина ялгатнень группатне. Весе участниктне топавтызь нормат ГТО-нь комплексонть коряс ды получастъ сехте покш балльной оценкат.

Эрви тешкетамс А. Сизов ды Коротков ялгатнень, конат замечательна исполнили турниксэ ды брусъясо упражнениятнень. А. Сизов—од комсомолец. Сон регулярна эрва валске тейни зарядка, чокшнетнева сеетъстэ сакшны физзалс ды упражняетсэ турниксэ. Сонзэ мукланзо кеметь дымиветь.

А. Вашуркин.

Саранской р-н.

ДИРЕКЦИЯСЬ АНСЯК АЛТНИ...


Минек средней школасо организоваз кавто гимнастической группат. Вейкесэнтэ примить участия 12 допризывник-комсомолец, омбоцесэнтэ жо—пионер. Занятиятне ютнить расписаниянь коряс, участниктне успешно отработывают упражнениятнень. Ансяк берянь се, што залось, косо сынъ ютавтыть соревнованиятнень, малавгак а моли спортивной зал ёнов. Кийкось рудазов, естенатне пулевть, гимнастической ин-

вентарь эйсэнтэ кольцядо башка мезеяк арась.

Комсомолетнэ а вестъ вешеть лескс дирекциянтэ пельде теевтемс турник, перекладина ды добовамс лия инвентарь, но дирекциясь те шкас мезеяк эзь тее, сон яла ансяк алтни.

П. Букин.

Чамзинской р-н,
П. Марсеева веле.



СНИМКАТНЕСЭ: (Верде алов) Саранск ошонь педучилищань II-це курсонь студентэс С. Рускин тейни гимнастической упражненият перекладина лангсо. (Ало) Педучилищань студентэс-комсомолецэс И. Смолькин моли бум ланга.

Фототне Б. Козловонь,
А. Кочинэнь.

Агитаторнэнь-антирелигиозникнень лесксэс

„Инечидентъ“

Коммунистической воспитаниядонть довлэдсонзо, кона теезель Москов ошонь партийной активень собранияс, М. И. Калинин ялгась мереть, што минек воспитаниясь должен улемс «предметно, материально сколмавозь социалистической государстванть седе товгак касоманзо киз ды неень шкань классовой боролямсонть сонзэ позициатнень кемекстамонть киз бороцямонть марто...»

Те указаниясь пед-пед относится антирелигиозной пропагандантьгак, кона ашти массатнень коммунистической воспитаниянь важной звенакс.

Религиянтэ зыянозо минек условиятнесэ аволь ансяк сеньсэ, што сон сонсэ ашти ломатнень сознаниясо капитализмань пережиткак, но и сеньсэ, што освясает ды поддерживает весе ташто частно-собственнической взглядачнэнь, койтнень ды традициятнень, ташто, эксплуататорской строень весе рудазонть.

Антирелигиозной пропаганда эрви ветамо эрва шкане, алак лотксэ. Те роботанть эрви седеяк пек виевгатишемс религиозной праздниктнеде ике-

ле ды праздник читнестэ, секс, што те шкастонть религиозной организациятне сех пек ветить эсь деятельность. Минек вейкеяк агитатор ды пропагандист, партийной ды аволь партийной, не должен ютамс сына «инечинть» вакска, кона ашти христианской перькувань главной праздникекс.

Христианской инечинь теезь сень киз, штобу Иисус Христосонь пишематнеде ды куломандонзо кемекстамонть се оправдат эксплуататорской порядкатнень пингстэ трудиятнень мучительной ды стака пишемат.

Христосонь пишематнеде ды куломандонзо ёвксонть ёвтиеманзо киз поитне «инечидентъ» икеде тейстэ, кода мерить, «страстной недля».

Ней капиталистической мастортнесэ поитне весе вийсё ёвтиекшнить Христосонь пишематнеде ёвксинь, бажить теень эйсэ маньшезь трудиятнень кирдемс покорностьсэ ды повиновениясо.

Минек масторсо поитне Христосонь пишематнеде эсь проповедьсэс арсить трудиятнень кирдемс реакционной религиозной идеятнень влияният ало, карматомс сынст беряньстэ ваномо

минек од, радостной ды счастливой эрвмонть лангс.

Христианской инечинь назначениясо седе тов ашти сеньсэ, штобу «вечкемань ды весеметъ простямонь» лживой ды лицемерной проповедьсэнтэ пазнэнь озныця трудиятнень чополгавтомс классовой сознанияст, маштомс или лавшомгавтомс таштавозь сынст классовой кемекст эксплуататортнэнь ды угнетательтнень лангс.

Войнань поджигательтненьсэ ней седеяк пек эрвить классовой примирениянь проповедтне эсь мастортнесэ тылэнтэ кемекстамонь киз. Нетъ проповедтнень целест истямо—эксплуататортнэнь эйсэ отвести трудиятнень гневень, штобу седеяк пек виензамс империалистической од бойнянтэ.

СССР-сэ поитне «вечкемань ды весеметъ простямонь» инечиде мселень эсь проповедтнесэ снартнить лавшомгавтомс трудиятнень революционной бдительностэ, оправдат ды кемексэ народонь вратнень контрреволюционной деятельностьсэ.

Минек масторсонть сехте ламо ломатне презрения марто ёртыть эсь эйстэст поповско-сектантской ёвксиньсэ мейнелсэ райдентэ. Яла теке улить еще истят трудият, сех пек велесэ, конат кемить нетъ ёвксиньсэ, аштитъ поп-

тнень ды сектантнэнь влияния ало. Ды задачась ашти сеньсэ, штобу пазнэнь озныця трудиятнень толковамс религиянтэ весе зыянозо, религиозной праздниктнень весе нелепостеды зыяносо. Истямо пропаганда эрви ветамс сех пек ней, инечинь самодонзо икеде.

Инечинь читнестэ церковниктне ды сектантнэ кармить снартнеме организовамс инечистэ винадо симемань разгул, праздничной ды празднике мейлень прогул, кармить снартнеме отсталой трудиятнень усоме дикарской, рабской обрядтнэньсэ ды койтненьсэ. Весе те направленной трудонь социалистической дисциплинанть каршо, ошо ды велесэ трудонь стахановской методтнэнь каршо, тунда видеманть шкасто ды парсте ютавтоманть каршо. Церковной вракобестиянь нетъ гнусной снартнемачнэнь каршо эрви аравтомс антирелигиозной келей пропаганда.

Инечинь каршо бороцимось—трудиятнень революционной бдительностэс кемекстамонть киз, советской народонть мобилизационной аночиза виензамонть киз бороцям, минек социалистической родинантэ обороноспособностэс кемекстамонть киз, сонзэ икеде-целей подъемонть ды расцветанть киз бороцям.

Н. Амосов.

Старшей пионервожатойтненень лесксэкс

I-це раздел

ПИОНЕРСКОЙ Организациясь ды сонзэ задачатне

ВКП(б)-нь ЦК-нть постановлениянзо пионерской движениядонть

Пионерской организациянть значени-
язо касыця поколениянть коммунисти-
ческой воспитаниясонть.

Пионерской организациянть основной
задачазо—воспитать эйкакштнень куль-
турнойкс, смелойкс, выносливойкс, тру-
донь в ечкицякс, эсь родинантень,
Ленинэнь—Сталинэнь великой те-
вентень преданноекс. Юной пионертнень
организациясь учителентень лезды ке-
педемс успеваемостенть ды кемекстамс
сознательной дисциплинанть школасо,
вети общественно-полезной, военно-физ-
культурной, велень хозяйствань, кра-
ведческой работа, организови пионер-
тнень технической ды художественной
самодетельностест.

2. Пионерской организациясь ды школась

Партиясь ды правительствась совет-
ской школанть задачатнеде. Школанть
учебно-воспитательной роботанть содер-
жаниянзо. Ученической организациянть.
Вожатонть ды учителенть вейсэнъ ро-
ботаст. Пионерской организациянть ро-
лезэ наукань основатнесь овладениянть
кис ды школасо дисциплинань кемек-
стамонть кис бороцямосонть. Пионертнень
участияст внеклассной ды внешкольной
роботанть организавомосонзо. Пione-
рэсь—школьниктненень пример тонавт-
немасонть ды дисциплинасонть.

Литература:

1. Ленинэнь речезэ РКСМ-нь III-це
съездсэнь, нолдызе «Молодая Гвардия»
издательствась 1940 иестэ.

2. Сталин ялганть речезэ ВЛКСМ-нь
VIII-це съездсэнь, нолдызе «Молодая
Гвардия» издательствась 1939 иестэ.

3. ВКП(б)-нь ЦК-нть 1931 иень сен-
тябрянь 5-це чинь постановлениянзо на-
чальной ды средней школадо.

СССР-нв СНК-нть ды ВКП(б)-нь
ЦК-нть 1935 иень сентябрынь 3-це чинь
постановлениянть начальной, неполной,

ВЛКСМ-нь ЦК-сь мартонь 20-це чинь эсь постановлениясонзо установил,
што пионертнень марто роботамонть туртов старшей пионервожатойтнень
анокстамонь основной формакс должен улемс самостоятельной тонавтнемась.
Кемекстазь самостоятельной тонавтнемань кувалт программа, конань коряс
вожатойтне должны прыдомс программасонть аравтозь курсонть изучениян-
зо 1941-це иень ноябрынь 1-це чис.

Минек газетань течинь номерстэнь саезь минь карматано печатамо во-
жатойтнень самостоятельной тонавтнемань программанть.

средней, средней школасо учебной ро-
ботанть организавомодо ды внутренней
распорядкадонть.

ВКП(б)-нь ЦК-нть 1936 иень июленъ
4-це чинь постановлениянзо Наркомпро-
стнень системасонть педологической
извращениянтьнеде.

(Партиянть ды правительстванть шко-
ладо постановлениянть сборник, учпед-
гиз, 1939 ие).

4. ВКП(б)-нь ЦК-нть 1925 иень ию-
ленъ 24-це чинь постановлениянзо пио-
нерской движениядонть.

ВКП(б)-нь ЦК-нть 1928 иень июленъ
25-це чинь постановлениянзо пионердви-
жениянть состояниядонзо ды маласо
шкань задачатнеде.

ВКП(б)-нь ЦК-нть 1929 иень сентяб-
рынь 2-це чинь постановлениянзо пио-
нерской слетонь итогтнеде.

Пионерской организациянть робота-
донзо—ВКП(б)-нь ЦК-нть 1932 иень
апреленъ 21-це чинь постановлениян-
тонзо—«Пионерской организациянть
10 иень топодемайтень».

(«ВКП(б)-нь ЦК-сь комсомолдонть ды
од ломатнеде», нолдызе «Молодая Гвар-
дия» издательствась 1938 иестэ).

5. М. И. Калинин—«Коммунистичес-
кой воспитаниянть вопроствэ» («Од ло-
матнеде», Госполитиздат, 1940 ие).

6. Н. К. Крупская—«Сёрмат пио-
нертнень» (Детиздат, 1940 ие).

7. ВЛКСМ-нь ЦК-нь X-це ды XI-це
плenumтнень постановлениянтьне.

8. Педагогикань коряс учебникть—
Каировонь или Груздевенъ редакцияст
коряс или Шимбиронь учебниксэ
(школанть учебно-воспитательной робо-
тадонзо, ученической организациянтьне-
де, школасо комсомолонть ды пионер-
тнень роботадост глватне).

9. Журнал «Вожатый»—1940 иень
5-це № «Неотложные вопросы» ды 1940
иень 17-це № «О самом главном»
статьянть.

II-це раздел

ПИОНЕРСКОЙ Организациянть построениянзо

а) Пионерской организациянть струк-
туразо (отряд, звено, форпост).

б) Пионерской организациясь прима-
мось. Звенань комплектованиясь. Зве-
нань вожатонь кочкамось. Пионерской
отрядонь теямась. Отрядонь советсэсь.
Отрядонь стенной газетасэ ды дневни-
кесэ. Пионерской комнатась.

в) Пионерской организациянть симво-
ликась ды сонзэ воспитательной значе-
ниязо. Юной пионертнень девизсэсь, са-
лютокс, галстукось, отрядной знамясь,
звеньевой флажокось, горнась ды ба-
рабанось.

г) Пионерской организациясонть по-
ощрениянть ды взысканиянть мератне.

д) Вожатоесь—пионертнень полити-
ческой руководитель, старшей ялга ды
организатор.

Литература:

Журнал «Вожатый»—1940 иень
7—8-це №, 1941 иень номертнэ.

III-це раздел ПИОНЕРСКОЙ ОТРЯДОНТЬ РОБОТАНЬ СОДЕРЖАНИЯЗО

1. Тонавтнемань качествахъ
кепедеманзо ды школасо
дисциплинанть кемекстамонзо кис
бороцямось.

Пионерской организациясь—учите-
лентень васенце лездыця тонавтнемань
качествахъ кепедеманзо ды сознатель-
ной дисциплинанть кемекстамонзо кис
сонзэ роботасонть.

(Пезэ моли).

Шефть

Инсарской средней школань пионер-
тнэ Андрианов Коля ды Андрианов
Вячеслав 1939 иестэ вейсэ эсь ялгасть
марто районсонть васенцекс сайть
шефства Желябов лемсэ совхозонь ва-
шотнень лангсо. Тонавтнемадо мейле,
ютко шкастост сынъ яксильть кардов,
урядильть станоктнень, полавтнильть
подстилканть, максильть кором ды
вашотнень ливтнлизь прогулкас.

Куроксто «Вихрь», «Гордый», «Во-
лна», «Буран», «Синичка» ды лия ва-
шотне, конатнень лангсо ветясть шеф-
ства Николай ды Вячеслав Андрианов-
не, Володя Горбунов, Леша Муравьев
ды лия пионертнэ, тонавтницятне,—
неть вашотне совхозсонть кармасть
улеме сехте вадракс.

Эйкакштне аволь ансяк ухаживали
вашотнень мельга, но вецильть эйсэст
панст вельде, сынст эйсэ ардтнильть ды
ютнильть барьерэнь трокс. Ды сёксэнь
самс сынст анокстызь Якстере Армиян-
тень максоманть туртов. Эсест упорной
роботанть кис весе комсь юной шеф-
тне кемекстазельть 1940 иестэ велень хо-
зяйствань Всесоюзной выставкань
участникекс.

Неть юной шеф-тнень примерэст ко-
ряс молодняконть лангсо шефства
сайств Инсарской средней ды неполной
средней школань зярря лия тонавтни-
ят. Ваз лангсо шефствань велямо кар-

масть пионеркат ды тонавтниця тей-
терть: Клавдя Юматова, Катя Коробо-
ва, Валя Дурнеева, Лида Болдина ды
лият.

Инсарской средней школанть приме-
рэнзэ коряс колхозной молодняконть
лангсо шефства сайств районсонть зя-
рря лия школань тонавтницят ды пио-
нерт.

Ичалковской средней школань пио-
нертнэ ды тонавтницятне сынсь сайств
колхозонь молодняконть лангсо шеф-
ства ды тердизь Мордовиянъ весе пио-
нертнэнь ды школьниктнень последо-
вать сынст примерэнтень. Сынъ эсь
шефстванть ветить пек парсте. 8-це
классонь тонавтницятнень — Пере-
пелкина Зинань, Вертягина Верань,
Володина Женянь, Названова Нинань
шефствань парсте велямонть кис Мор-
довской АССР-нв Совнаркомось кемек-
стынзе 1941 иестэнь велень хозяйст-
вань Всесоюзной выставкасо участни-
кень кандидатокс.

Шефствань коряс соревнованияс
включились Дубенской, Кочуровской,
Ельниковской, Б.-Березниковской рай-
онтнэсэ зярря школань тонавтницят
ды пионерт.

Атяшевской районсо Поселковской не-
полной средней школань тонавтницятне
ды пионертнэ сайств шефства «Память
Ильича» колхозонь молодняконть ланг-

со. Сех парсте шефстванть ветить
Коля Батяев, Миша Ивашкин, Ваня
Нефедов ды Коля Гордеев. Эйкакштне
тейсть социалистической соревновани-
янъ договор, установили дежурствань
график.

Минек республикасонть ней малав
кавто тышат пионер ды тонавтниця
ветить шефства колхозной молодня-
конть лангсо. Теньсэ сынъ покш лескс-
теить колхозтнэньгак ды эсь пряткак
тонавтнэнь колхозной трудонтень.

Минек эйкакштне вечксызь трудонть,
вечксызь велямс уход колхозной мо-
лодняконть мельга, секс сынст эриви
лездамс те тевсэнь.

Май ковсто эривить тееме итогт
шефствань коряс соревнованиянтьне,
штобу кизэнь каникулатнень шкастонтъ
еще седеяк вадрылгавтомс молодняконть
лангсо шефстванть. Теке марто ве шка-
не эриви организавамс скотинатнень
эрымост тонавтнеманть, сенъ, кода ды
кодамо коромсо сынст андомс, кода
симдемс ды лият. Те роботанть коряс
тееме учебно-наглядной пособият, ве-
тамс дневникть, тейнеме таблицат,
диаграммат, штобу мейле весе неть
материалтнень использовать тонавтне-
мань од иестэнь школасо программной
материалонть ютамсто.

Б. Бобров,

Юной техниктнень ды натуралист-
нень станциянть директор.

Границань томбале

Английской обозревателесэ Юго-восточной фронтсо Немецтнень тактикадост

Рейтер агентствань дипломатической
обозревателесэ Фергюсон Южной Сер-
биясо югославской армиянть отступле-
ниянзо кувалма ёвтни арсема, што гер-
манской командованиясь Балкантнэсэ
применяет истамо жа тактика, кодамо-
сон применял Франциясо. Сестэ немец-
тненень удалась чавомс клин северной
ды южной армиятнень юткс. Ней гер-
манской командованиясь, кода неяви,
снартни керямс югославской армиянть
греческоонть эйстэ ды туемс Албания-
со итальянской армиянть марто вейсэн-
дивомас. Но, сермады Фергюсон, Юго-
славиясо условиянть пек отличаются
Франциясо условиянть эйстэ, косо
немецтне аволь ансяк мольтсэ пек вад-
ря киява, но могли получахшнемскак
малав эрва велесэнь ды эрва перек-
ресткасонть продовольствия солдатнэнь
туртов ды горючей транспортонть тур-
тов. Южной Сербиясо шоссеиной китне
аламо мейсэ отличаются просёлочной-
нень эйстэ, горючейсэ ды продовольст-
виясо армиянть снабжениядонзо кор-
тамскак а савкшны.

(ТАСС).

Грецияв английской войскактнень самось

Юнайтед Пресс агентствась пачти
эрва кодат греческой портнэс пек ла-
мо механизированной вооружения мар-
то, продовольствия ды лия снаряжения
марто ламо тыща английской солдат-
нэнь самодо.

(ТАСС).

Югославской королентень Рузвельтэнь обращениязо

Рузвельт обратился Югославской ко-
ролентень Петр 2-нень послания марто,
конаньсэ алты максомс Югославиян-
тень весе возможной материальной
лесксэнь.

(ТАСС).

Болгариясо военной нуждатнес чрезвычайной кредитнэ

Болгарской правительствась максэ
Народной собраниянть (парламентэ-
нть) законопроект военной нуждатнес
2.200 миллион левань размерсэ чрез-
вычайной кредитнэнь нолдамонть.

(ТАСС).

Рузвельтэнь яволявтомасо

Печатень представительтнень марто
кортнемстэ Рузвельт яволявть, што во-
оружениянтьне американской програм-
мась тонавтнени капшавтозь темпасо.
1941 иень васенце колмо ковтнень
перть вооруженияс ды военной строи-
тельствас правительственной расходна-
седе покшт, чем 1940 иень весе омбо-
це пельксэнь перть.

Рузвельт темкстызе, што США-сь
Югославияв кучи военной материалт
пек бойкасто.

(ТАСС).

Японской военной кораблятне китайской ведтнесэ

Шанхайстэ пачтить Чжэпэнь ды
Цзянсу китайской провинциянтьне по-
бережьянть маласо японской военной
кораблятнень пурнавомадонть. Японской
кораблятне аволь весть леднесть ки-
тайской портнэнь лангс. Добережынь
блокадась виевгавтозь.

(ТАСС).

Ответ. редакторсь А. ЩЕГЛОВ.